

DIE 8 MAII

S. STANISLAI

**PONTIFICIS ET MARTYRIS
POLONIAE PATRONIS**

AD VESPERAS



Ps. 109

Dixit Dóminus Dómino meo *
sede a dextris meis:

Donec ponam inimicos tuos *
scabellum pedum tuorum.

Virgam virtútis tuæ emittet
Dóminus ex Sion: * dominare in
medio inimicórum tuórum.

Tecum princípium in die virtútis
tuæ in splendóribus sanctorum: *
ex útero ante lucíferum genui te.

Iurávit Dóminus et non pœ-
nitébit eum: * tu es sacérdos in
ætérnum secúndum órđinem
Melchisedech.

Dóminus a dextris tuis, * con-
frégit in die iræ suæ reges.

Iudicábit in natió nibus implébit
ruínas: * conquassábit cápita in

terra multórum.

De torrén te in via bibet: *
proptérea exaltábit caput.
Glória Patri.

Ps. 112

Laudáte púeri Dóminum: *
Laudáte nomen Dómini.

Sit nomen Dómini benedíc-
tum, * ex hoc nunc, et usque in
sæculum.

A solis ortu usque ad occá-sum,
* laudábile nomen Dómini.

Excélsus super omnes gentes
Dóminus, * et super cælos glória
eius.

Quis sicut Dóminus Deus no-
ster, qui in altis hábitat, * et humí-
lia respicit in cælo et in terra?

Súscitans a terra ínopem, * et de stércore érigens páuperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ps. 115

Crédidi, propter quod locútus sum: * ego autem humiliátus sum nimis.

Ego dixi in excéssu meo: * omnis homo mendax.

Quid retríbuiam Dómino, * pro ómnibus, quæ retríbuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo eius: * pretiósá in conspéctu Dómini mors sanctórum eius:

O Dómine, quia ego servus tuus: * ego servus tuus, et filius ancillæ tuæ

Dirupísti víncula mea: * tibi sacrificábo hóstiam laudis, et in nomen Dómini invocábo.

Vota mea Dómino reddam in conspéctu omnis pópuli eius: * in átriis domus Dómini, in médio tui Ierúsalem

Ps. 125

In converténdo Dóminus captivitátem Sion: * facti su-

mus sicut consoláti:

Tunc replétum est gáudio os nostrum: * et lingua nostra exultatióne.

Tunc dicent inter gentes: * magnificávit Dóminus fácere cum eis.

Magnificávit Dóminus fácere nobíscum: * facti sumus lætántes.

Convérte Dómine, captivitátem nostram, * sicut torrens in Austro.

Qui séminant in lácrimis, * in exultatióne metent.

Eúntes ibant et flebant, * portántes sémina sua.

Veniéntes autem vénient cum exultatióne, * portántes manípulos suos.

Ps. 138

Eripe me, Dómine, ab hómine malo: * a viro iniquo éripe me.

Qui cogitavérunt iniquitátes in corde: * tota die constituébant prælia.

Acuérunt linguas suas sicut serpéntis: * venénium áspidum sub lábiis eórum.

Custódi me, Dómine, de manu peccatóris: * et ab homínibus iníquis éripe me.

Qui cogitavérunt supplantáre gressus meos: * abscondérunt supérbi láqueum mihi:

Et funes extendérunt in láqueum: * iuxta iter scándalum

posuérunt mihi.

Dixi Dómino: Deus meus es tu: * exáudi, Dómine, vocem deprecationis meæ.

Dómine, Dómine, virtus salútis meæ: * obumbrásti super caput meum in die belli:

Ne tradas me, Dómine, a desiderio meo peccatóri: * cogitavérunt contra me, ne gerelínquas me, ne forte exalténtur.

Caput circúitus eórum: * labor labiórum ipsórum opériet eos.

Cadent super eos carbónes, † in ignem dejícies eos: * in misériis non subsistent.

Vir linguósus non dirigétur in terra: * virum iniústum mala cápient in intéritu.


Cognóvi quia fáciat Dóminus iudícium ínopis: * et vindíctam páuperum.

Verúmtamen iusti confitebúntur nómini tuo: * et habitábunt recti cum vultu tuo.

Capitulum

Hebr 11, 33

Czy zabiegam o względy ludzi, czy raczej Boga? Czy ludziom staram się przypodobać? Gdybym ludziom starał się przypodobać, nie byłbym sługą Chrystusa. Głoszona przeze mnie Ewangelia nie jest wymysłem ludzkim.



Gaude Mater Polonia,
 Prole fecunda nobili
 Summi Regis magnolia
 Laude frequenta vigili.

Cuius benigna gratia
 Stanislai Pontificis
 Passionis insignia
 Signis fulgent mirificis.

Hic certus pro iustitia,
 Regis non cedit furiae;
 Stat pro plebes iniuria
 Christi miles in acie.

Tyranni truculentiam
 Qui dum constanter arguit,
 Martyrii victoriam
 Membratim caesus meruit.

Novum pandit miraculum,
 Splendor in Sancto caelicus,
 Redintegrat corpusculum
 Sparsum celestis medicus.

Sic Stanislaus Pontifex
 Transit ad caeli curiam,

Ut apud Deus opifex
 Nobis imploret veniam.

Poscentes eius merita,
 Salutis dona referent;
 Morte praeventi subita
 Ad vitae portum redeunt.

Cuius ad tactum annuli
 Morbi fugantur turgidi:
 Ad locum sancti tumuli
 Multi curantur languidi.

Surdus auditus redditur,
 Claudis gressus officium:
 Mutorum lingua solvitur,
 Et fugatur daemonium.

Ergo, felix Cracovia,
 Sacro dotata corpore,
 Deum, qui fecit omnia,
 Benedic omni tempore.

Sit Trinitati gloria,
 Laus, honor, iubilatio:
 De Martyris victoria
 Sic nobis exultation. Amen.

℣: Ora pro nobis beatae Stanislæ.

℞: Ut digni efficiamur promissionibus Christi.

Ad Magn. Ant. IV



Canticum B. Mariæ Virginis

Luc. 1, 46-55

Magnificat * ánima mea Dó-
minum.

Et exultávit spíritus meus * in
Deo salutári meo.

Quia respéxit humilitátem
ancíllæ suæ: * ecce enim ex hoc
beátam me dicent omnes genera-
tiones.

Quia fecit mihi magna qui potens
est: * et sanctum nomen eius.

Et misericórdia eius a progénie

in progénies * tíméntibus eum.

Fecit poténtiam in bráchio
suo: * dispérsit supérbos mente
cordis sui.

Depósuit poténtes de sede, * et
exaltávit húmiles.

Esuriéntes implévit bonis: * et
dívites dimísit inánes.

Suscépit Israel, púerum suum, *
recordátus misericórdiæ suæ.

Sicut locútus est ad patres no-
stros, * Abraham, et sémini eius in
sæcula.


Glória Patri.

Oratio

Deus, pro cuius honóre glori-
ósus Póntifex Stanisláus
gládiis impiórum occúbuit: præ-
sta, quæsumus; ut omnes qui eius
implórant auxílium, petitiónis

suæ salutárem consequántur
effectum. Per Dóminum nostrum
Iesum Christum, Fílium tuum,
qui tecum vivit et regnat in
unitate Spíritus Sancti, Deus per
ómnia sæcula sæculórum.

℟̄: Amen.



Benedi-cámus Dó-

mi-no. ℟̄. De-o

grá- ti- as.